

古田縣志卷之三十六

方外傳

釋老之教古代未聞攷釋氏初祖生於周之末迨與道家老子同時及漢而其說始盛得其旨者大抵皆脫屣富貴抗志巖穴之流而無一毫塵俗爲累莊子所謂游於方之外者也古田地處巖僻其間領悟禪詮參透道蘊翛然物外者代有其人亦靈山閒氣有以萃之也况其功德所普有時亦足以劑雨暘之偏畸助社會之教育此漢書班志所由於道家陰陽皆所必錄甚宋可以二氏不列四民而外之也纂方外傳

宋

古田縣志

卷之三十六

方外傳

一

僧行霖邑余氏子也幼慕空門太平興國三年自雪峯出水口遍歷叢林叅尋知識歷五臺羅漢南嶽天台最後抵江表廬山歸宗法席遇柔禪師一言相契旋膺郡命住紫霽那舍尊寶塔院有偈云打破盧空底鉗錘喝散白雲低意氣播揚流傳郡牧方演命住五老峯之仙洞洞故李鄴侯讀書處開堂演法毳旅雲集眞宗賜紫衣袍命號曰廣濟大禪帥祥符三年眞宗遣趙履信殷大會齋於歸崇寺諸山長老登座敷演躬致間端言不相應奉旨命行霖住持入奏紫庭疊承恩澤賜田五十頃庄曰聖惠又有禪者行懿發大願力於五老峯栽松十里左右各三行數逾三萬翰林楊億爲記樞密副使張仕遜奉飭撰院記翰林

博士林陶撰田庄紀史館學士查道撰語錄以後時歌貽贈編爲五策目曰五峯集刊刻立碑年老上章乞退住持賜紫印法眼禪師仍集舊職建崇壽塔於聖惠庄

僧懷堅古田杉洋李氏子爲三九都香林寺住持景福元年詣政和洞坐化肉身猶存

僧德從原姓李邑杉洋人出家爲僧道法清高時御賜紫衣

僧道臻邑就氏子也十四歲削髮上生院後走江淮叅知識得宗旨於浮山一日行江上覓舟默計隨舟所之吾緣也問舟何之曰入汴因載之而北謁大覺若夙契及覺歸吳衆請以臻嗣焉開法之日英宗遣中使降香賜紫方袍慈聖上僊神宗詔至慶

古田縣志

卷之三十六

方外傳

二

壽宮說法衆問慈聖仙遊定歸何所曰水流元在海月落不離天上大悅賜與甚厚即相國爲慧林智海二刹命主之高麗使三僧來參學得言下旨以去神宗上僊被詔至福甯殿說法賜號淨照禪帥臻奉身至約一衲二十年無他嗜好獨請文與可掃墨竹於方丈之西壁曰使游人見之心目清涼此君口替我說法也年八十語弟子淨圓吾更三日行矣及期說偈跏趺而化

最樂寶壽寺僧古田人也有上堂偈云諸佛不真實說法度羣生菩薩有智慧見性不分明白雲無心意洒爲世間雨大地不含情能長諸草木若也會得猶存知解若也不曾墮在無記去此

二途如何即是海闊難藏月山深分外寒

元

慧空獎山寺僧古田人姓蘇母林氏禱於真濟顯佑劉神君祠夜夢神願爲子十年後歸宗母驚寤有孕以宋寶佑乙卯生因名神乞能言卽喜誦佛父母喪寓甌甯爲劉氏養子正符十年後歸宗之夢聞人誦金剛經有悟年十五歸浦城明年受皈戒於卽心堂年十九聞建陽后山堂有海珠和尚往叅之後至萬壽寺禮普勤和尚嘗於建陽募刻法華經或謂不宜事此曰汝焉知終日喫飯不曾咬着一粒米乎大德庚子至政和之東平里中有池覺及應性者亦好佛與言獎山之勝且曰此真濟顯佑

古田縣志

卷之三十六

方外傳

三

劉神君示現處也卽夙悟因曰吾當返本還元於此山也覺應爲立菴一日入定爲大衆說偈三首四十餘年寄俗塵如今却顯個中尊巖頭一夜東風起吹得花開滿樹春鐵船無舵亦無蓬撐入金蓮性海中末後一機今說破白雲元不離長空大地山河覓無跡虛空撞破見端的縱教鐵輪頂上旋本性圓明常不失偈畢入滅時雲霧四合雪雨大作繼而火化自焚其身衆收靈骨建塔於菴之西壁

項此舟修道於仙亭山能行雷法知人生死有薛姑者請往其家項曰我衲衣方洗未乾薛請益虔項乃仰天曰借我一道日光晒衲衣頃刻日出一衲處其衣果乾日入復沒時往來於東山

崇真道院臨終雷雨驟至立化

明

寂照景泰中九峯寺僧深悟禪理嘗獨坐荒山三日夜能使精靈

伏匿虎狼來參猿鹿啣花獻果之異後圓寂九峯壽七十九

閩書

李景晞字從心號丹崖子又號赤陽子愿中先生之十二孫也宏治中隱居石平山庄著書立言於玉液還丹之術尤所究心著有抱元內外篇盈數十萬言箋註金丹四百字深有秘解其宿山庄詩云半生榮辱已蕭然爲愛溪山結道緣松徑晝閑看鶴舞石床春暖抱琴眠爐中白虎君臣藥囊裏青蚨母子錢萬事不干朝復暮清風一卷悟真篇秋日寫意詩云江西秋水碧連天衆妙門開內外篇黃卷已拋經世業丹書不負此生緣療饑白石和雲煑點易硃砂滴露研自剪修篁裁一笛試吹三弄赤松邊觀此二詩亦可見其道術之大概矣

清

元徹字正暉白雲寺僧福唐林氏子也父夢僧授以傳燈錄元徹生因其命名具夙根過目成誦年十八雲游至浙師東蓮和尚一日問徹曰如何是絕後再甦欺君不得徹曰當初只道茅長短燒了方知地不平和尚曰法南矣付拂子後回閩從困衆之請住白雲寺寺兵燹之餘中夜聞鬼號光怪百出徹不爲動怪絕自是千年廢剝豁然叢林矣構白鹿精舍見陡險絕塵有終

古田縣志

卷之二十六

方外傳

四

焉之志募建壽塔既成偈曰吉穴原來不用尋巖前古寺密森
森天然片石堪營塔滿目青山古□今

純悅和侍者邑人年二十二皈僧隨師出嶺北返白雲寺終日跌
坐忽悟夙因三日前自卜塔穴謂師曰弟子告歸形骸瘞此遂
沐浴立化倚壁不臥

時悟行者邑竹林人隨兄傭於白雲寺每自吟哦聽之則師所授
偈也兄回攜與俱忽悟云汝去吾祇在此中秋前七日指月曰
汝圓吾不見矣十一日兄復來熟視之呼師曰吾將行奄然而
逝年二十一

從牧童監院福清人年二十七辭親棄妻子入白雲寺師知有夙

古出縣志

卷之三十六

方外傳

五

根爲削髮一日繪大殿謂衆曰吾昔夢山寺殿宇璀璨遽化鶴
西飛吾化緣畢矣臥病後扶出大殿沐浴更衣看新徒落髮畢
安坐而逝

僧乃熾閩縣名家子生有異相且具夙根皈依杉洋蟬林寺以僧
隱能詩兼精少林守拳術嘉道咸同間父老猶有傳聞常與其
同鄉孝廉陳雲章詩歌贈和亦頭陀中之風雅矣惜遺稿散失
大乘禪師住持杉洋蟬林寺飽學好吟詠當時文人咸以詩僧目
之

達本和尚字悟源古田后洋汪氏子弱冠出家依鼓山湧泉寺求
具足戒立志不凡唯求向上聞海內金山寺專究生死工夫禪

宗門庭首推第一於是發心嚮往親近大定和尚參父母未生以前

如何是我本來面目閱數載有會心處遂發宏願回閩提倡禪宗坐香法則改良叢林功課槌椎與三江叢林制度一式俾閩僧出外參方庶有頭緒併可於香頭上出幾位續佛慧命之佛子既歸鼓山淨空和尚甚器之命爲監院職自是得以稍展其志顯改定功課槌推成立坐香法則淨空和尚授以正法眼藏前清光緒間妙蓮和尚派往雪峯寺重興古剎且兼理古田吉祥寺住持含辛茹苦堅忍不退歷三十年如一日將雪峯關復禪宗悉照金山制度古月和尙圓寂後繼主席法民國十四年兼任鼓山湧泉寺住持一生眞實行持緇素共仰民國十七年將雪峯重責交卸與圓瑛法師自慶得人所作願滿至十九年

古田縣志

卷之三十六

方外傳

六

世壽八十有四寂於鼓山丈室靈骨迎歸雪峯建築中興祖塔圓瑛法號韜光邑端上村吳氏子弱冠出家於鼓山湧泉寺現充全國佛教會主席佛門功行較達本爲偉而於國事奔走尤力蘆溝橋事變後在滬組織救護會難民收容所並赴南洋羣島募款救國不辭艱險誠不愧爲高僧也

朱輝然字子光邑一都嵩溪人也生性謹厚含默寡言中歲受省同善社社酋汪涵川韓贊愈開示參同契學坐功已達小還丹初民國辛酉歲省社首汪韓二師特來古田設立同善分社舉林榮桐爲社長林鉞副之一時入社同志頗盛後四川總社統帥單論各分社應一律遵設理體會以資體驗坐功吾邑卽舉

朱爲監督朱悉心指導其間坐功優美者尙不乏人如陳君時夏張君觀春張君爲和輩坐功亦造至小還丹皆朱身爲之率也奈家居距城約百里疊遭土匪擾害財產蕩然且門內又多窺伺之人子幼尙未更事朱無可寄托抽身物外因此受環景罣礙於民國庚申歲冬冒雨採取園蔬病傷寒而脫凡籍未得竟其與人同善之意惜哉

附本邑功德林緣起

邑有佛教會功德林係民國廿一年間發起於劉賢吁營長時劉牽令駐防古田與郵政局長林瞻淇受陳无我居士提倡宣道淨土宗旨爲人人條持得到但使會念南無阿彌陀佛六字便

古田縣志

卷之三十六

方外傳

七

得往生西方極樂淨土因此吾邑各界人士信者頗衆始假丁姓宗祠爲林所每逢星期日指導誦經念佛儀式如是者五六次組成林友四十餘人劉林二發起人恐其未能長住古田□舉林長余君鍾英副林長丁君壽田以董林務循期誦念歷無曠廢現林友已達百數十人民國廿二年七月十五日起延請雪峯寺禪師七人大建盂蘭會三晝夜虔誦經呪超度孤魂並保安銷劫吾邑是年歷經極大危險兩次卒得無恙或謂係誦經念佛誠感所致也廿六年林友楊斯賢等捐資提倡於城內下馬亭山麓建築觀音大士殿俾林友得以循期聚集其中誦經念佛暇則參究修持方法